

30 ENERO 2025
JUEVES HAN IKATULO
NGA SEMANA HAN KATUIGAN

PAGBASA I

Heb 10: 19-29

Pagbasa kinuha han surat ni ngadto han mga Hebreo.

Sanglit, kabugtoan, may-ada na kita hingpit nga kagawasan hin pagsulod han Labi ka Baraan nga Dapit tungod han kamatayon ni Jesus. Gin-abrihan niya para ha aton in bag-o ngan buhi nga aragian, pinaagi han biray – ha aton pa, pinaagi han iya kalugaringon nga lawas. May-ada kita gamhanan nga padi nga tinapuran han balay han Dyos. Sanglit dangop kita han Dyos upod in tangkod nga kasingkasing ngan marig-on nga pagsarig, upod in mga kasingkasing nga nalinisan na tikang hin salaan nga konsensya ngan panhunahuna, ngan mga lawas nga nahugasan na hin limpyo nga tubig. Kapti naton hin maupay an aton paglaom, kay makakasarig kita han Dyos nga magtutuman han iya saad. Pagdinasigay kita hin pagpakita han gugma ngan pagbuhat hin maupay. Ayaw naton baya-i an aton nabatasan hin pagkatirok, sugad han binubuhat han iba. Lugod, pagdinasigay kita, labi nagud nga nakita kamo nga nagtitikahirani na an Adlaw han pagbalik han Ginoo.

Kay waray na gud iba nga halad nga makakakuha han mga sala kon tuyoon gud naton hin pagpinakasala

katapos ipahibaro ha aton an kamatuoran. Lugod, an nahibilin amo na la an pagkahadlok han ginpapamulat nga paghukom ngan an mapintas nga kalayo nga makakaugtang hadton mga nasupak han Dyos! Ginpatatay hin waray kalooy an nagtatalpas han Balaod ni Moises, kon paghukman hin duha o tulo nga mga testigo nga sala. Sanglit, ano man an mahinanabo han tawo nga nagtatamay han Anak han Dyos? Nga diri nagmamahal han dugo nga ginsaaran han Dyos, nga naglinis ha iya tikang han iya mga sala? Nga nagbiaybiay han Espiritu nga nahatag hin grasya? Paghunahuna daw kon ano ka dako nga sirot an angay ha iya!

An Pulong han Ginoo.

SALMO RESPONSORIO

Sal 24: 1-2, 3-4, 5-6

**(b) Amo ini an mga tawo
nga nagbibiling ha imo, Ginoo.**

1. Tag-ya an Ginoo han tuna ug han ngatanan
nga aanhi ha tuna,
Han kalibutan ug han ngatanan nga nag-uukoy
dinh,
Kay iya gintindog ini ha bawbaw han kadagatan,
Ngan ginpadig-on niya ha bawbaw han mga
katubigan. **(b)**

2. Hin-o an makakasagka han bukid han Ginoo?
Hin-o in makatukdaw ha iya baraan nga dapit?
Adton waray dumit an kamot, malinis an
kasingkasing,
Adton diri naiipa nga mga waray pulos nga
butang. (b)

3. Makarawat hin kaupayan tikang han Ginoo,
Hin balos tikang sa Dyos an iya Manunubos,
Amo ini an tulin nga nagbibiling ha iya,
Nga nagbibiling han bayhon han Dyos ni
Jacob. (b)

PAGBASA II

Mc 4: 21-25

*Pagbasa tikang han Santos nga Ebanghelyo sumala kan
San Marcos.*

Nagpadayon hi Jesus, “Kon may-ada nagdadara
hin suga, tinatakloban ba niya ini, o ibinubutang ba ha
sirong hin higdaan? Diri ba ikinakadto ha iya
burutangan? Ipadadayag an natatago; bubuksan an
natatahuban. Kon hin-o an may mga durunggan,
mamati hin maupay!”

Nagsiring pa hiya ha ira, “Tigamni an iyo
hinbabatian. An amo ngahaw nga mga lagda nga
ginagamit niyo hin paghukom han iba, amo man an

gagamiton han Dyos hin paghukom ha iyo, bangin labaw pa hin kamakuri. Tatagan pa adton may-ada na; kukuhaan adton waray, bisan han gutiay nga aada ha iya.”

An Maupay nga Sumat han aton katalwasan.